

新疆建置志

新疆建置志卷二

醴泉宋伯魯芝田撰

吐魯番

北極高四十四度四分距京師偏西二十六度四十五分夏至晝長六十刻十二分夜長三十五刻

三分冬至晝長三十五刻三分夜長六十刻十二分正日景夏至長三尺九寸六分冬至長二丈五尺四寸五分

春秋分長一丈零二分按竹葉亭雜記云寶獻山相國自吐魯番來因言彼地望月中影似加明晰望天河中白氣

乃是小星吐魯番較京師高一百五十餘里去天較京師將近一度又云夏小正曰漢案戶謂天河也今吐魯番於

六月望河乃當東廂房脊蓋其地在漢車師前王庭地

河西之西也其地每月朔即見月書

西域傳王晉爲高昌郡北魏爲高昌國

北史高昌者車師前王之地東西二百里南北五百里四面多大山地勢高敞人庶昌盛因名高昌亦云有漢時高昌壘故以爲號東去長安四千九百

里漢西域長史及戊己校尉並居於此晉以其地爲高唐昌郡張軌呂光沮渠蒙遜據河西皆置太守以統之

滅之以其地爲西州

唐書貞觀中王文泰與西突厥連結諸國朝貢者路出高昌擁絕之太宗

怒拜侯君集爲交河大總管討滅之以其地爲西州以交河城爲交河縣始昌城爲天山縣山北城爲柳中縣東鎮城爲蒲昌縣高昌城爲高昌縣初西突厥遣其葉護屯兵於可汗浮圖城與高昌爲影響至是懼而來降以其地爲庭州並置蒲類縣每歲調內地更發千人鎮遏焉置安西都護府後徙都護於龜

茲改置金山都護府天寶初置交河郡隸縣五曰柳中交

河蒲昌天山其一則前庭也

本高昌寶應元年更名

安史之亂陷於

吐番五代時爲回鶻所據

辛卯侍行記懿宗咸通七年回鶻大酋僕固俊自北庭取西州

回鶻旋分三部曰和州回鶻曰阿薩蘭回鶻曰高昌回鶻均服屬於遼兼貢於宋於金高昌王并有北庭爲諸國渠

首宋建隆初西州回鶻阿都督等入貢

太宗時遣供奉官王延德使高昌歸

譔高昌行記以獻

宋末號輝和爾

辛卯侍行記西遼後又封吐谷渾裔畏兀兒於交河其酋曰月

仙帖木兒亦都護傳子巴而朮阿爾特的斤西遼遣使監其國其酋殺之降於元元太祖使尚公主亦作輝和爾

卽畏吾兒也元平之設畏吾都護元史譯文證補畏兀兒部名北自別失八里至

哈喇火州以南皆其轄也元史屢見畏吾兒亦作畏兀兒所謂高昌國王亦都護是也畏吾兒卽唐之回紇元祕史

作委兀又作委吾邱長春西遊記至昌八刺城其王畏吾兒中國北方讀回如輝統覈諸書實應作畏作委不當作

回其誤由於唐書至紇與吾兀北方字音無大區別今西人書作畏孤兒西人無紇兀等字故訛爲孤阿卜而憂錫

書訓義爲聚言其氣類合聚不復離散可爲唐書回紇傳注解太祖次子察罕岱封於此

元末分爲柳城火州吐魯番明爲火州地辛卯侍行記元歐陽元高昌與

氏家傳云高昌者今哈喇和綽也元地志附錄作合刺火者阿朮傳作哈喇霍州耶律希亮傳作哈刺火州明史火

州與安定曲先諸衛統號畏兀兒按後稱吐魯番其酋自西域圖志改火州爲哈刺和卓誤

亦僭稱王成化初其酋破哈密數爲邊患萬曆中復入貢明史西域

新疆建置志卷二
二關中叢書

傳成化九年土爾番酋據哈密十八年哈密都督罕慎克之弘治元年誘罕慎殺之復據其城正德九年犯肅州嘉靖三年寇肅甘州而賊黨牙蘭率所部來歸勢漸孤弱萬曆朝入貢不絕清興來入貢旋以助逆回丁國棟絕其使後復叩關請貢然與準噶爾爲鄰常服屬乾隆中內屬辛卯侍行記據東華錄國初吐魯番有朗琥伯舉入貢稱蘇勒擅阿布勒阿哈默特阿濟汗六年其黨哈什克伽助逆回丁國棟爲亂遣兵斬之絕其貢使十年復叩關請貢十二年用葉爾羌酋名悔罪乞貢納之定貢期五年一至康熙十二年貢表稱馮木特賽伊特汗署一千八百三十三年用回教紀元也二十年表稱阿布勒穆咱帕爾蘇勒擅瑪哈瑪特額敏巴圖爾哈什汗二十五年表稱臣成吉思汗裔承蘇賚滿汗業此蓋由蒙變回之證五十九年散秩大臣阿喇納擊破齊克塔木降皮禪城吐魯番之阿克蘇爾坦及總管沙克札伯爾率衆迎降別有頭目阿濟斯和卓走策妄阿喇布坦所明年率準夷來脅吐魯番數千戶徙喀喇沙爾脫歸千餘戶聚魯阿齊木推托克托瑪木特爲酋拒準夷遣使內附靖逆將軍富寧安

益阿喇納兵四千往守九月準夷二千來侵擊破之授阿
喇納爲協理將軍令興屯焉雍正元年都統穆森代之三
年策妄阿喇布坦乞和求得吐魯番地纏回願內徙者六
百五十餘戶四年安置金塔寺威虜堡諸地仍以托克托
瑪木特爲長留魯克沁者尚萬數以阿琿額敏和卓爲長
五年吐魯番回目白斤伯克請入貢上以我師難於庇護
聽自便不强其歸順八年寧遠大將軍岳鍾琪以己意遣
官往購糧啓敵釁九年三月準夷侵吐魯番護理大將軍
四川提督紀成斌令總兵樊廷率二千入往援賊遁師旋
四月賊圍魯克沁額敏和卓力守四旬不下復攻哈喇和
卓回衆拒斬五百級岳鍾琪令總兵張元佐曹勳等以三
千人往救賊遁七月復來侵副將王廷瑞擊走之十年夏
噶爾丹策凌遣宰桑額爾克得松攻喀喇和卓參將劉廷
炎戰却之九月護理大將軍事副將軍張廣泗奏吐魯番
防兵八千五百人分駐七邑請徙兵民聚居魯谷慶哈喇
火州皮禪洋海以便防範十月額敏和卓爲札薩克輔國
公徙其民萬餘口於塔勒納沁十一年復徙之瓜州乾隆
二十年額敏和卓從征伊犁加封鎮國公時吐魯番遺民
千四百餘戶有伯克莽噶里克者偕其弟以戶籍迎降於
定西將軍永常所同時定北將軍班第奏吐魯番舊酋莽

蘇爾爲元太祖裔今在喀喇沙爾應遣歸廷臣恐與額敏和卓不相安寢其議二十一年額敏和卓奏吐魯番不復有蒙古裔瓜回願歸故里從之莽噶里克請視額敏和卓編旗隊詔封公爵割吐魯番西境自伊拉克至阿斯塔克與之尋貳於巴雅爾額敏和卓拒賊固守加封貝子二十二年安西提督傅魁進軍鹽池莽噶里克恨準夷誅求無厭截十人迎降魁欲邀功擅殺之以擊斬告事覺誅魁宥莽噶里克妻孥其地統屬額敏和卓加貝勒品級明年從靖逆將軍雅爾哈善討霍集占授多羅貝勒兼參贊大臣克庫車加郡王品級二十四年從定邊將軍兆惠討平葉爾羌晉封郡王留葉爾羌辦事設闢展辦事大臣及同知二十六年威虜堡回民西歸以千戶珈如拉百戶伊明和卓爲五品伯克其莽噶里克等屬戶亦分設伯克領之皆隸闢展大臣轄二十七年免吐魯番納糧以哈喇和卓托克遜屯田給回民爲世業四十二年額敏和卓卒次子素賚滿襲四十四年以罪削爵弟伊斯堪達爾嗣改闢展辦事大臣爲吐魯番領隊大臣移同知都司來駐四十六年築廣安城五十二年詔吐魯番世襲封爵不必降等吐魯番舊作土爾西北至鎮迪道治所五百三十里其界東番至是易今名

至鄯善南至羅布淖爾西至焉耆北至孚遠皆其屬也東

入百一十里南北有莊二十曰勝金城曰三堡城曰二堡城

城曰洋海城曰東坎爾城曰雅爾巴什城曰二工城曰西

寧工城曰頭工城曰雅爾湖城曰雅木什城曰督干湖城

曰托克遜城曰伊拉里城曰庫木什城曰榆林工城曰葡

萄溝城曰煤窰溝城曰沙河子城曰本頭溝城地當孔道

爲南疆門戶自前代以來數用兵同治初安集延酋怕夏

父子襲據之光緒三年北路大定劉錦棠遣兵破其壘城

遂復鄉土志同治三年夏庫車回酋伊薩克和卓叛東竄吐魯番漢裝回嚮應領隊大臣榮慶死之尋爲迪化

漢裝回所據九年二月安集延纏回來爭迪化回殺吐魯番回千計四月安集延怕夏胡什伯克率衆數萬復仇揚

言助中國討賊八月迪化賊酋遣馬仲乞和復却怕夏營
怕夏怒擊破吐魯番諸城殺迪化賊黨殆盡築新壘以降
者馬人得等守之時哈密大臣文麟景廉齎檄諭怕夏納
土而夏怕已西還矣光緒二年怕夏次子海克拉守托克
遜陝回白彥虎降於怕夏助守吐魯番種族不一陽合陰
離纏回不堪安夷之虐咸願歸順統領湘軍劉錦棠討平
之七年以阿克拉依都之子瑪木特襲郡王十年重修漢
城罷領隊大臣以同知游擊治之廳治原隸甘肅回城及
二年改隸新疆回衆之脅從及流亡皆反耕而漢民牽

車服賈者亦繼至焉初吐魯番有溉田若干頃及故雲貴

總督林則徐謫戍伊犁始濬托克遜及伊拉里克等渠復

增穿井渠通水民用溫給按井渠俗名坎兒其制激水上
行若掘井然繼以地洞每洞相

距約數丈直行而下賡續不絕此法蓋始於漢按溝洫志
嚴熊言臨晉民願穿洛以溉重泉以東萬餘頃故惡地誠
卽得水可令畝十石於是爲發卒萬人穿渠自徵引洛水
至顏下岸善崩乃鑿井深者四十餘丈往往爲井井下相

通行水水隤以絕商額東至山領十餘里間井渠之生而自此始穿得龍骨故名曰龍首渠作之十餘歲渠頗通而同時遣戍有故布政使黃冕者復大開伊拉諸渠然皆未竟而罷其後軍旅數動耕者益寡又官司如傳舍不遑暇故水利弗興然土宜六穀重穠蔬果朽按朽一作棉又名白疊舊唐書高昌傳有草曰白疊國人取其花織爲布文獻通考高昌有草其實如繭中絲如纁名白疊子國人織以爲布交市用焉今纏同呼棉花曰桑之屬而朽蒲桃每歲陸運由伊犁以帕克塔猶古音也

賈俄國道歸化以商內地以斤計之朽率三百萬蒲桃率

二百萬古者釀用蒲桃按文獻通考高昌國中多蒲桃酒史記稱大宛以蒲桃爲酒富人藏

酒至萬餘石久者數十年不敗張華博物志西域蒲桃酒可至十年蓋自張騫使大夏僅得其種而未傳釀法惟唐

書載太宗破高昌收馬乳蒲桃種於苑中併得其酒法仍自損益造酒成綠色芳香酷烈當時詩人吟詠者至比之

甘露瓊漿惜禁中秘
方民間無從得之今猶然然不中食蓋古法不傳久矣

而每歲桑黹熟時吐人就樹下擷而啗之以當飯或三月

不火食其處敲蒸當暑皆竈地以居夜則出火山在其北

其上恆歎煙霧鬱攸不息傍城山皆赭秃無寸綠火山之

支也故元以其地爲火州
或易火州爲和卓誤也更北則盛夏積雪

不消矣始北魏之時王麴嘉好儒術
麴太平寰宇記作趨畫魯哀公

問政孔子像於室有毛詩論語孝經歷代子史集置學官

子弟以相教授正光元年又遣使奉表乞借五經諸史並

請國子助教劉燮爲博士皆許之其後拜浮屠
文獻通考高昌俗事

天神兼信佛法又按王延德高昌行記高昌佛寺五十餘
區皆唐朝所賜額寺中有大藏經唐韻玉篇經音等續文

獻通考曰明永樂十二年吏部員外郎陳誠至其國言市里居民僧堂過半亦皆零落又云其俗多匈奴烏魯事神信佛象胥錄曰吐魯蕃室居奉佛多明末改奉天方教瑪

木特玉素謨罕默德二十六世孫也當明季與其兄弟分適各國自默德那遷喀什噶爾羣以聖裔奉之適額魯特方強盡執元裔回部舊汗遷居天山以北以謨罕麥德爲於是各城始有回酋而回教始盛行焉

聖人禮拜誦經朝汗西域三種纏回朝汗有二處一墨克郎謨罕默德生處也其地有大黑石

周里許相傳數千年前降自天有靈跡作殿其上規制闊敞殿中開瓦櫺一孔使日月之光逗臨聖座牆周一百五

十丈高七尺有奇正殿門四十一燃玻璃燈以六七十計

地鋪氍毹廬苑相屬附殿多建禮拜寺四面浮屠七中空

有路可盤旋而上凡進殿禮拜必沐浴裸體纏白布殿側

甘泉湧流謁聖者又必先飲而後膜拜往朝男女每歲無

慮數十萬叩祝以五日爲期距殿六十里許一山曰兒勒

巴特有大阿訇乘白駝獨上絕頂趺坐念經拜朝者悉羅

拜於下傍晚還至距殿四十里之山曰密喇威憩於此每

至諷經必多屠牛羊施給附近窮民富者二三千頭貧者

亦必一二頭叩祝之日天氣清明雖雨必霽殿內侍香火者三百人燃燈拂塵者千餘人斂屍骸者七百家並有乙麻目卽率領念經之住持三百六十人墨總卽發信念經之衲子七百人皆由土耳其國按給衣糧額設防兵三千有兵官同我國之協鎮者領之並派土著頭目協治殿事級視知府其處一面瀕水三面依山沙淤土瘠不產五穀惟松柏槐楊葡萄棗果蔚然扶疏而已一默德那卽謨罕默德葬所也其地城郭高鞏周四十餘里塗以白堊雉堞以赭石砌之門七皆衣鐵風景人物與墨克略同惟地鄰海灣半屬沮洳藪澤終日朝霾數至觸之生病五穀亦不甚生相傳謨罕默德葬時斂以鐵棺經久不朽墳上以銅鐵鑄欄干圍之上建重閣環建禮拜寺各高十丈並豎玉柱十八根四面寶塔五座晚間內外燃琉璃燈以三千計墳前設巨燎二各重五百觔鐵架肩之地鋪綠毯千幅華麗炫目寺內乙麻目與墨總七百二十人侍墓閹官三百人燃燈掃地鋪毯者一千五百人收屍掩骸者百人尋常禮拜領拜者三百六十人侍茶水者五百人額設防兵萬二千人領兵官十二員兵之餉糧侍墓人役衣糧暨油燭器用皆出自土耳其國此二處彼教稱爲聖地以瞻拜爲榮男女往朝謂之阿吉在道死者謂獲神佑生還者謂之

假阿吉至今回俗每年往謁者尚絡繹不絕焉

告之以詩書則走開省置義塾拔

齟齬者教之而亦無所成然恁於耕作故五民之中農得十七商工得十二蓋麴氏之流風杳矣初麴氏表求內徙詔曰彼之氓庶是漢魏遺黎自晉氏不綱因難播越成家立國積世已久惡徙重遷人懷戀故由是觀之魏以前高昌皆漢族也而其王張孟明馬儒又皆華產故其俗重儒自五代以後其地入於回鶻麴氏之澤旣斬浮屠之說風行數百年中梵宇至五十餘區故杜佑曰其俗事天神信佛法其後二千餘年而瑪木特玉素始至喀什噶爾稱聖裔可蘭之說熾矣又高昌舊俗習尚音樂行者必抱樂器

文獻通考西魏與高昌通始有高昌部之樂以備燕享隋
開皇中高昌國獻聖明樂曲唐太宗伐其國盡得其樂其
器有豎箏篳篥琵琶五絃笙笛簫觱篥毛圓鼓都曇鼓答臘
鼓腰鼓羯鼓雞婁鼓銅鼓銅鼓鉞具等十五種爲一部工二
十人舞人白襖錦袖赤皮鞞赤皮帶紅抹額隋自開皇初
置七部樂六曰龜茲伎唐太宗增高昌其著令者十部六
曰龜茲八曰疏勒九曰高昌而總
謂之讌樂後又分爲坐立二部 自唐滅高昌樂工散亡

其後沒於吐番據於回鶻畏兀至於宋明更姓迭主疇昔

侏離無復存者

按孝經鉤命訣云西方之樂謂之侏離鄭康成注周禮曰東方爲昧西方爲侏離毛

萇詩

傳同 今回部所有八器

施絃者四曰哈爾札克曰喀爾奈曰喇巴卜曰色塔爾竹一曰把拉

滿狀類管銅一曰蘇爾奈狀類小銅角

鼓二曰達卜曰納噶喇詳見西域圖志

三曲

曰斯納滿愛慕其人之辭

曰色勒噶斯拊掌行樂之辭曰珠

魯馬前鼓吹之辭詳見西域圖志 衡以隋唐讌樂不逮其

半又名實繁淆莫由訂正乃知西域古樂不傳者多也其

東爲鄯善鄯善故闢展地也

北極高二十四度五十二分距京師偏西二十五度四十分

五分夏至晝長六十刻十分夜長三十五刻五分冬至晝長三十五刻五分夜長六十刻十分午正日景夏至長三

尺五寸二分冬至長二丈二尺八寸春秋分長九尺二寸八分闢展爲漢狐胡國晉以後

爲高昌唐爲柳中縣地宋復爲高昌雍熙間頻入貢所統

有南突厥北突厥大衆慰小衆慰樣磨割祿黠戛司末蠻

格哆族預龍族後屬於遼元爲魯克察克地明爲柳城清

興其地內屬

按饒巡撫新疆設郡縣疏云闢展故鄯善國故以鄯善名縣今考闢展古狐胡國非鄯善

也以闢展爲鄯善自魏源何秋濤始按漢書狐胡國王治車師柳谷西至都護治所千一百四十七里其地在白龍

堆西北蒲昌海東北與鄯善無涉鄯善古樓蘭在蒲昌海之南晉法顯佛國記由燉煌西行十七日至鄯善由鄯善

十五日至烏犇三十五日至于闐皆傍南山行是鄯善在蒲昌海之南可知且漢書明言西北去都護治所千七百

八十五里西北去車師千八百九十里都護治烏壘今哈刺沙爾之策特爾地車師今吐魯番若闢展則在烏壘車

師之東南去鄯善千餘里中隔白龍堆蒲昌海風馬牛不相及何得指闢展為鄯善乎又水經注蒲昌海水積鄯善

之東北後魏書曰鄯善都城方一里北即白龍堆路又李光庭西域圖考亦云由鄯善逾白龍堆至狐胡國治車師

柳谷即今闢展西百二十里之魯克沁地後漢長史居此西距廣安城百二十里當日疏於考核以致名實相乖是

不可以其界東至哈密南至婁羌西至廳治北至奇臺皆不辨也

其屬也東西五百四十里南北八百四十里分其地為八臺曰闢展即治城曰漢

墩城西四十里曰運二工城西四十里曰連木沁城西七十里曰樹柏溝

有古碑一字漣漫不可辨城南三十里曰南梁即魯克沁一曰魯克察克城南九十里曰北梁

亦即魯克沁曰吐峪溝蘇巴什附焉城西南百一十里按城南九十里曰塔

呼城東二百八十里自托來達巴西行二十里至北山下峭壁削成曲徑如鑿無水草路可行車又三十里出山路